

Ushirikishwaji ni ushiriki?



**Jishindie kompyuta
ndani!**

Kijitabu hiki kimetayarishwa na watendaji wa Tamasha kwa kushirikiana na Twaweza

Waandishi:

Richard Mabala na Winston Churchill Shauri

Mchoraji:

Daniel Mzena

Wahariri:

Rakesh Rajani, Evarist Kamwaga, Joseph Ngwegwe na Justice Rutenge

Usanifu:

Winston Churchill Shauri



©Tamasha/Twaweza 2012

Barua: S.L.P. 15044, Arusha, Tanzania

Simu: +255 719 751 928

+255 787 220 233

Barua pepe: rmabala@yahoo.com

wchachi@yahoo.com

Tovuti: www.tamashavijana.org

Unaruhusiwa kunakili sehemu yoyote ya kijitabu hiki kwa sababu zisizo za kibiashara tu. Unachotakiwa kufanya ni kunakili chanzo cha sehemu uliyonakilia na kutuma nakala mbili kwa Tamasha.

Utangulizi

Ndugu wasomaji,

Vijana wanataka na wanatakiwa kushiriki katika ujenzi wa taifa letu. Tatizo ni kwamba mara nyingi ‘wanashirikishwa’, yaani, mipango hubuniwa na kupangwa na wazee. Kazi ya vijana ni kutekeleza tu yaliyoamuliwa. Hawana nafasi ya kuchangia mawazo, uchambuzi na ubunifu wao katika kuamua nini cha kufanya au jinsi ya kufanya. Kwa mujibu wa Sera ya Taifa ya Maendeleo ya Vijana ya mwaka 2007:

“Vijana ambao ni takriban 65% ya nguvukazi na 35% ya wananchi wote hawawakilishwi katika maeneo mbalimbali na hawashiriki katika vyombo vya kufanyia uamuzi. Matokeo yake ni kwamba maamuzi yaliyo mengi hayazingatii matakwa ya vijana.”

Katika utafiti uliofanywa na TAMASHA katika baadhi ya wilaya, vijana walilalamika sana kwamba hawapewi nafasi ya kushiriki, huku wazee wakidai kwamba vijana hawana kitu cha kuchangia. Hali hii huonekana mbaya zaidi upande wa wasichana ambao wanashiriki kidogo zaidi katika mikutano na hawasilizwi kabisa.

Aidha, licha ya pendekezo la Sera ya vijana kwamba ushiriki urasimishwe kwenye maeneo yote yanayowahusu vijana, viongozi wa jamii walilalamika kwamba:

Hakuna miongozo ya kuwasaidia vijana waweze kushiriki katika vyombo vya kufanya maamuzi, labda kwa kupitia kamati mbalimbali.

Hivyo kila jamii imeachwa kujiamulia kuwashirikisha vijana au la. Lakini sehemu ambazo walipewa nafasi za kushiriki walitumia nafasi hizi vizuri sana

Vipi hali ya ushiriki ya vijana katika jamii yetu?

Richard Mabala
Mkurugenzi, Tamasha

Wahusika



Mjasiriamali, mchambuzi wa mambo
na mkereketwa wa maendeleo

Bonge:



Mwelimishaji rika, mchambuzi na
mwanaharakati

Bibiye:



Kiongozi anayesikiliza na kuheshimu
vijana. Mpenda maendeleo lakini
anaamini zaidi msaada kutoka nje
kuliko nguvu ya wananchi

Mwenyekiti:



Mchapakazi lakini mrasimu. Hapendi
vijana na azma yao ya kuchukua
hatua wenyewe

Mtendaji:



Baba wa kijana mwelimishaji rika.
Anatoa ardhi kwa ajili ya vijana
kujenga kituo chao

Mwanakijiji

Wawezeshaji rika wako kempu ya vijana

Mnaonaje
mada ya leo?

Tutaelewa
nini wakati
tuna njaa?


Nyie
mnalipwa halafu
mnatudanganya
hapa.











Ndio maana lazima
tujipange. Tuwe na
schemu yetu. Tutapigania
maendeleo yetu.

Hakuna lolote
bwana, bila msaada
hawezi mtu kitu.

Kata zingine
wamepiga hatua
kweli na kituo chao.
Na sisi tujenge cha
kwetu.



Wawezeshaji wanaondoka

Sista mi
nimependa sana
somo lenu.

Kwani hiki kituo
kitakuwa na
shughuli gani?



Elimu, michezo, miradi.
Tutatambulika na
kupigwa tapu. Na
kupigania haki zetu,
hasa sisi masista.
au vipi?

Wanakutana na vijana wenzao

Tumeshaandaa
vifaa na kesho
tutaanza kufyatua
matofali.

Hawa pia
watakuwa
pamoja nasi.
Au?

Karibuni
sana.



Ghafla tarishi wa kijiji anafika

Mnafanya nini hapa? Vijana wote mliagizwa kulima barabara yetu.

Kwa uamuzi wa nani? Mlitushirikisha Saa ngapi?

Ohooo! Ngoja nimwambie mwenyekiti.















Njiani

Hivi kweli
umewapa
vijana
kiwanja?

Ndiyo. Lazima
tuwawezeshe
vijana kupata
maisha.

Utakufa
maskini
wewe.









Baada ya wiki moja.

Vijana
mnajitahidi.

Asante
mheshimiwa.
Bila shaka mtatu-
kumbuka na mfuko
wa maendeleo ya
jimbo. Tutafanya
mengi zaidi.





Je wajua?

1. Sera ya Taifa ya Maendeleo ya Vijana inasema vijana ni watu wenye umri kati ya miaka 15 na 35 ingawa, katika jamii nyingi, mtu wa miaka 35 ni mtu mzima kabisa.
2. Vijana wanajisikia kudharauliwa na jamii zao. Mawazo yao hayathaminiwi wakichangia kwenye mkutano. Sehemu nyingine wanachapwa viboko kwa kutoa wazo mbadala.
3. MKUKUTA 2 ilitambua kwamba:

Takriban 53% ya wananchi wanashiriki katika mikutano ya kijiji ingawa ni kikao muhimu sana cha kufanya maamuzi.

Sehemu nyingi ni kwa sababu vijana wamesusa.

Vijana hawaoni umuhimu wa kushiriki katika mikutano maana hawasilizwi na hawana uwezo wa kufanya maamuzi kwa mambo yao. - Vijana, Iringa¹

4. Wawezeshaji rika katika jamii nyingi sana wameonyesha vijana wanaweza kufanya nini wikipewa nafasi. Mkakati wa kupambana na UKIMWI usingefanikiwa bila wao.
5. Vijana wikipewa fursa ya kushiriki wanaitumia kikamilifu, ama kwenye jamii zao ama kwenye ngazi ya wilaya kupitia kwa mitandao yao ya vijana. Hii imewawezesha kupata ajira pia katika kutekeleza mipango ya halmashauri au asasi za raia waliotambua uwezo wao.
6. Ingawa kujitolea ni jambo muhimu, huwa maamuzi hayazin-
gatii shughuli au nafasi zao. Ndiyo maana ni muhimu vijana washiriki katika maamuzi na mipango si tu katika utekelezaji.
7. Kituo cha vijana kinaweza kuwa kitovu cha maendeleo yao, kimafunzo, kimichezo na kijasiriamali pamoja na kushiriki.

1 Utafiti wa Tamasha



Tufanye nini?

Kwanza tuwaulize vijana wenyewe nini kifanyike. Vinginevyo tutakuwa tunawashirikisha tena badala ya kuwawezesha kutahiriki. Lakini ili kuleta ushiriki wa vijana zaidi, inawezekana:

- Kuwawezesha kupata au kujenga kituo cha vijana iwe mali yao kisha kuwawezesha wapate vifaa na mbinu za kujitegemea.
- Vijana kuanzisha vikundi vyao vya uzalishaji.
- Kufuatilia mifuko ya vijana iliyopo kwenye wilaya. Katika salamu zake za mwaka 2012, Mhe Rais alisisitiza kwamba kila mkoa ulipewa shilingi bilioni moja kwa ajili ya wanawake na vijana.
- Kumshawishi Mhe. Mbunge kutoa kipaumbele kwa vijana katika Mfuko wa Maendeleo ya Jimbo.
- Kuweka utaratibu wa uwakilishi rasmi ya vijana katika vikao vyote vya jamii na vya kata.
- Kushawishi uundaji wa vikundi vya wasichana ndani ya kituo cha vijana ili wasichana nao wapate uzoefu wa uongozi na kuongea hadharani.

Shindano

Toa maoni, jishindie kompyuta!

Ndugu msomaji, hivi karibuni Serikali ya Tanzania imeahidi kuboresha utoaji wa huduma kwa wananchi.

Kupitia mpango huu, Serikali inataka kukusikia.

Toa maoni yako kuhusiana na upatikanaji wa huduma za msingi za kijamii; maji, elimu na afya.

Tuambie wazo moja kuboresha elimu, afya au maji. Halafu, tuambie mwananchi afanye nini kuleta mabadiliko.

Kila baada ya miezi mitatu kwa mwaka 2013, maoni kumi bora yatachaguliwa na kila shule itakayotoa washindi itapatiwa kompyuta ndogo mbili (laptops). Pia, maoni ya washindi yatachapishwa kwenye vitabu na tovuti.

Sharti: Kila mtu anaweza kutuma maoni, lakini zawadi zitatolewa kwa watakaondika *kupitia* shule zao tu.

Tuma maoni yako kabla ya tarehe 1 Novemba, 2013

Anuani: OGP Tanzania, S.L.P 38342, Dar es Salaam

Barua pepe: unasemaje@gmail.com

Kumbuka kuweka taarifa hizi:

- Tarehe
- Majina kamili, umri wako, jina la shule; jinsia (me/ke)
- Anuani kamili: SLP na makazi (kata, wilaya na mkoa); namba ya simu; barua pepe

Mpango wa Kimataifa wa Kuendesha Shughuli za Serikali kwa Uwazi (Open Government Partnership - OGP).



Mpango wa OGP unahimiza shughuli za Serikali zierendeshwe kwa uwazi zaidi ili kuboresha utoaji wa huduma kwa wananchi, mwikio wa Serikali, kupambana na rushwa na kujenga kuaminika zaidi. Twaweza inashirikiana na Serikali kuendeleza uwazi na ushiriki wa wananchi kupitia Mpango wa OGP.